

ШУА-ИЙН ОЛОН УЛСЫН ХАРИЛЦААНЫ ХҮРЭЭЛЭНГИЙН 50 ЖИЛИЙН ОЙГ ТОХИОЛДУУЛАН ИРҮҮЛСЭН БАЯРЫН МЭНДЧИЛГЭЭ

ШУА-ийн Олон улсын харилцааны хүрээлэнгийн түүхт 50 жилийн ойн баярын арга хэмжээ 2018 оны 9 дүгээр сарын 21-ний өдөр тохиосон билээ. Ойн баярын арга хэмжээний үеэр хамтран ажилладаг төрийн байгууллагууд, гадаад, дотоодын эрдэм шинжилгээ судалгааны байгууллагуудаас бидний цаашдын ажилд амжилт хүссэн олон сайхан баярын мэндчилгээ, илгээлт ирүүлснээс дор заримыг нь уншигч Танаа хүргэж байна.

УИХ-ын гишүүн, Гадаад харилцааны сайд Д.Цогтбаатараас ирүүлсэн илгээлт

Эрхэм хүндэт эрдэмтэн, судлаачид аа,

Монгол Улсад дорно дахин, олон улс судлалын бие даасан эрдэм шинжилгээний байгууллага үүсч хөгжсөний 50 жилийн ойг тохиолдуулан Та бүхэнд чин сэтгэлийн халуун баяр хүргэж буйг минь хүлээн авна уу.

ШУА-ийн Олон улсын харилцааны хүрээлэн анх үүсч хөгжсөн цагаас өнөөг хүртэлх хагас зууны хугацаанд Монгол Улсын Гадаад харилцааны яам тус хүрээлэнтэй харилцан уялдаатай, ойр дотно хамтран ажиллаж ирсэн билээ.

Дэлхий дахинаа глобалчлал, бүс нутгийн интеграцчилал эрчимтэй өрнөж, нийгэм, эдийн засгийн хөгжил хурдацтай урагшилж, олон улсын харилцаа өдрөөс өдөрт хувьсан өөрчлөгдөж

ШУА-ийн Олон улсын харилцааны хүрээлэнгийн 50 жилийн ойг
тохиолдуулан ирүүлсэн баярын мэндчилгээ

байгаа өнөөгийн нөхцөлд гадаад орчноо бүх талаар танин мэдэх, чингэснээр гадаад бодлогын орон зайгаа тэлэх, тусгаар тогтнол, бүрэн эрхт байдлаа улс төр, дипломатын аргаар баталгаажуулах эрхэм зорилтын төлөө бид цаашид ч улам үр дүнтэй хамтран ажиллана гэдэгт гүнээ итгэж байна.

ШУА-ийн Олон улсын харилцааны хүрээлэнгийн эрдмийн нийт хамт олны судалгаа, шинжилгээний цаашдын ажил үйлсэд их амжилтыг, амьдралд нь сайн сайхныг хүсэн ерөөе.

*2018 оны 9 дүгээр сарын 21-ний өдөр.
Улаанбаатар хот*

**УИХ-ийн гишүүн, Боловсрол, соёл,
шинжлэх ухаан, спортын сайд Ц.Цогзолмаагаас
ирүүлсэн мэндчилгээ**

Дорно дахин, гадаад орон судлалын бие даасан эрдэм шинжилгээний байгууллага болох Шинжлэх Ухааны Академийн Олон улсын харилцааны хүрээлэн үүсэн байгуулагдсаны 50 жилийн ойг тохиолдуулан тус хүрээлэнгийн ахмад, дунд, залуу үеийн эрдэмтэн судлаачид Та бүхэнд Боловсрол, соёл, шинжлэх ухаан, спортын яамны нэрийн өмнөөс болон хувиасаа чин сэтгэлийн мэндчилгээ дэвшүүлье.

Өнөөдөр Олон улсын харилцааны хүрээлэн нь Монголын нийгмийн шинжлэх ухаанд нэр нөлөөтэй байр суурь эзэлж, олон улс судлалын цөм хүчин болж, арвин баялаг туршлага хуримтлуулан дотоод, гадаадад нэр хүндтэй, материаллаг бааз, боловсон хүчний хувьд салбартаа тэргүүлэх эрдэм шинжилгээний байгууллага болтлоо өсөн дэвжжээ.

Хүрээлэнгийн хамт олон өнгөрсөн 50 жилийн хугацаанд олон улсад хүлээн зөвшөөрөгдсөн эрдэмтэн судлаачдыг төрүүлж, арвин

их бүтээл туурвиж, Монголын түүх судлал, дорно дахин, олон улс судлалыг хөгжүүлэхэд үнэтэй хувь нэмэр оруулсан билээ. Цаашид олсон ололт амжилтаа улам бататган, эх орныхоо хөгжил дэвшлийн төлөө эрдэм мэдлэг, авьяас чадвар, хичээл зүтгэлээ зориулан ажиллана гэдэгт итгэл төгс байна.

Монгол Улсын гадаад бодлого, олон улс судлал, улс хоорондын харилцааг судлан төрийн оновчтой бодлого боловсруулахад эрдэм судлалын талаас зөвлөн дэмжигч нь байж ирсэн тус байгууллагын оролцоо, хувь нэмэр нь ирэх он жилүүдэд ч улам тод байж, эрдэмтэн мэргэдийн оюун хурц, хүрээлэнгийн бүтээл туурвил өнөд ундарч байхын өлзийтэй ерөөл дэвшүүлж, Та бүхэнд эрүүл энх, аз жаргал, эрдэм судлалын өндөр амжилт хүсэн ерөөе.

Эрхэм баян-эрдэм мэдлэг ашид дэлгэрч байх болтугай.

2018 оны 9 дүгээр сарын 21-ний өдөр.

Улаанбаатар хот

**Монгол Улсын Шинжлэх Ухааны Академийн
Ерөнхийлөгч Д.Рэгдэлээс ирүүлсэн мэндчилгээ**

Шинжлэх ухааны академийн Олон улсын харилцааны хүрээлэн байгуулагдсаны 50 жилийн ойн баярыг тохиолдуулан тус хүрээлэнгийн эрдмийн хамт олонд ШУА-ийн Тэргүүлэгчдийн газрын нэрийн өмнөөс болон хувиасаа баярын халуун мэндийг өргөн дэвшүүлж, ажлын өндөр амжилт хүсэн ерөөе.

Олон улсын харилцааны хүрээлэн бол Монгол Улсын гадаад харилцааны түүхэн замнал, дорно дахины хөгжлийн асуудлыг цогц байдлаар судалж, нийгмийн шинжлэх ухааны хөгжилд дорвитой хувь нэмэр оруулж байгаа ШУА-ийн томоохон хүрээлэнгүүдийн нэг юм. Тус хүрээлэн тавин жилийн түүхэндээ олон арван ном бүтээл туурвин бүтээж түмэн олны хүртээл болгосоны зэрэгцээ

ШУА-ийн Олон улсын харилцааны хүрээлэнгийн 50 жилийн ойг
тохиолдуулан ирүүлсэн баярын мэндчилгээ

Монгол Улсад олон улсын харилцаа, дорно дахин судлалын эрдмийн боловсон хүчин бэлтгэхэд хүндтэй үүрэг гүйцэтгэж байгааг ойн баярын энэ өдөр бахархан тэмдэглэж байна.

Шинжлэх ухааны академийн Олон улсын харилцааны хүрээлэнгийн эрдмийн хамт олон цаашдаа ч Монгол Улсын гадаад бодлогын шинжлэх ухааны үндэслэлийг боловсруулан дорно дахин, олон улс судлал, орон судлалын салбарыг хөгжүүлэхэд хошуучлах үүрэгтэй оролцоно гэдэгт итгэл төгс байна.

Монгол төрийн алтан аргамжийг бэхжүүлэх эрдмийн харгуй гэгээлэг байх болтугай.

*2018 оны 9 дүгээр сарын 21-ний өдөр.
Улаанбаатар хот*

ШУА-ийн харьяа хүрээлэнгүүдийн хамт олноос ирүүлсэн баярын мэндчилгээ

Монгол Улсын Шинжлэх Ухааны Академийн Олон улсын харилцааны хүрээлэнгийн хамт олон Та бүхэнд

Монгол Улсад дорно дахин, гадаад орон судлалын бие даасан эрдэм шинжилгээний байгууллага үүсч хөгжсөний 50 жилийн ойн баярыг тохиолдуулан, Монгол Улсын үндэсний язгуур эрх ашгийг улс төр–дипломатын аргаар хангах, эдийн засаг, шинжлэх ухаан–технологийг хөгжүүлэх гадаад таатай нөхцөлийг бүрдүүлэхэд чиглэсэн бодлого, үйл ажиллагааны шинжлэх ухааны үндэслэлийг боловсруулах чиглэлийн суурь болон хавсарга судалгаандаа амжилт гарган ажиллахын өлзийтэй ерөөлийг өргөн дэвшүүлье!

2018 оны 9 дүгээр сарын 21-ны өдөр